



Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XV. Nihil prodesse cuiquam illatas aduersitates ad salutem, nisi
Deus altiùs misereatur.

[urn:nbn:de:hbz:466:1-46059](#)

ipsa etiam morte coronati sunt. Et ideo iusto iudicio
Dei datur sæpenumero peccatoribus potestas, qua
Sanctos ipsius persequuntur, ut qui spiritu Dei iuuantur & aguntur, fiant per laborum exercitia clariores.

*Nam virtus fidei sub tali examine crescit,
Nec seruile grauat libera corda iugum.
Solus peccator malè seruit; qui licet amplio
Utatur regno, sat miser est famulus,
Cùm mens carnalis, nimium dominante tyranno,
Tot seruit sceptris, dedita quot vitiis.*

*Apud Proþ.
rum in Epi-
grammat.*

Itaque peccatores tametsi, quod sæpe contingit, aliquanta huius vitæ felicitate fruantur, cunctaque ha-
beant pro suis votis ac voluntate fluentia; serui tamen
sunt infelicissimi. Contrà verò pīj homines afflictio-
nibus licet grauiter premi & atteri videantur; non so-
lū serui non sunt, verū etiam maioribus indies
cumulantur libertatis augmentis.

C A P V T x v .

*Nihil prodeße cuiquam illatas aduersitates ad salutem,
nisi Deus altius misereatur.*

VE R V M cùm omnis vitæ huius afflictio, quæ-
dam extrinsecus adhibita prædicatio & admo-
nitio videatur, sine occultiore ac secreteiore gratiæ ope-
ratione, non est profutura. Nam ad ea omnia quæ ge-
runtur extrinsecus nostræ causa salutis, illud pertinet
quod Apostolus ait: Neque qui plantat est aliquid, ne-
que qui rigat, sed qui incrementum dat, Deus. Itaque
Spiritus sanctus operatur intrinsecus, ut valeat aliquid
medicina quæ adhibetur extrinsecus. Alioqui etiam
si ipse Deus vtens creatura sibi subdita, in aliqua hu-
mana specie sensus alloquatur humanos, siue istos
corporis, siue illos, quos istis simillimos habemus in
sommis, nec interiori gratiæ mentem regat atque agat;

1. Cor. 3.

kk 3 nihil

nihil prodest homini omnis prædicatio veritatis. Fa-
 cit autem hoc Deus, à vasis misericordiæ, iræ vasa dis-
 cernens, dispensatione quam ipse nouit occulta, sed
 tamen iusta, hinc igitur illa existit diuersitas admir-
 abilis animorum in aduersis perpetiendis, ut quosdam
 frangant atque deiijciant, alios erigant atque confir-
 ment: non nullis excitent Dei laudem & benedictio-
 nem, aliis blasphemam moueant impatientiam: qui-
 busdam conferant ad morum emendationem, alijs
 tanquam vitiorum lethargo laborantibus, nec doloris
 quidem sensum mouere videantur. Cuiusmodi erant
 illi quos Propheta deplorabat, cùm diceret: Domine,
 oculi tui respiciunt fidem: percussisti eos, & non do-
 luerunt; attriueristi eos, & renuerunt accipere discipli-
 nam. indurauerunt facies suas supra petras, & no-
 luerunt reuerti. Itaque impietas flagella quidem ex-
 cruciata sentit, sed eum à quo flagelletur, per seipsum
 obdurata, non sentit. Alij verò, quamuis propriæ vo-
 luntatis vias ingressi, à Domino subinde recedant, ta-
 men tanquam à tergo percussi, & fugientes, longa Dei
 manu verberati, ad percutientem se respiciunt, & pa-
 ternam correptionem agnoscunt, ac redeunt. Quicun-
 que igitur boni malique pariter afflitti sunt, non ideo
 ipsi distincti non sunt, quia distinctum non est, quod
 sunt utriusque perpessi: manet enim dissimilitudo pas-
 sorum, etiam in similitudine passionum, & sub eodem
 tormento non idem est virtus & vitium. Nam sicut
 sub uno igne aurum rutilat, palea fumat; & sub eadē
 tribula stipulæ comminuuntur, frumenta purgantur,
 nec ideo cum oleo amurca confunditur, quia exti-
 mitur eodem prælii pondere: ita una eademque vis ir-
 ruens, bonos probat, purificat, eliquat; malos damnat,
 Deum detestantur atque blasphemant, boni verò pre-
 cantur & laudant. Tantum interest, non qualia, sed
 qualis

Hier. 5.

qualis quisq; patiatur. Pari quippe motu exagitatedum,
& exhalat horribiliter cœnum, & suauiter fragrat vnguentum. Examinandis igitur nobis atque explorandis, ait diuus Cyprianus, diuersi importantur labores, & multiplex tentationum qualitas irrogatur, de iacturis facultatum, de ardoribus febrium, de cruciatu vulnerum, de amissione charorum: neque h̄c aliud magis iniustos discernit & iustos, quam quod in aduersis per impatientiam queritur & blasphemar iniustus; patientia iustus probatur, sicut scriptum est: In dolore sustine, & in humilitate tua patientiam habe; quoniam igne probatur aurum atque argentum:

Mens etenim recta, & puri sibi conscientia cordis,

Prospere.

Hoc plus splendescit, quo magis atteritur.

Itaque lob quidem examinatus & probatus, ad summum fastigium laudis, patientiae est virtute prouectus. At Pharao variis plagiis effectus durior, non purgatus, sed attritus; non probatus, sed damnatus est. Ita prorsus & peccator infirmatur aduersis, & iustus tentationibus robatur. ut enim recta columna, si quid imposueris oneris ponderisque grauioris, hoc firmatur magis atque stabilitur; contrà verò quae incurua & obliqua alteram in partem propendet, pondere iniesto deiicitur: ita is quem in Deum erexerit charitas, confirmatur aduersis; quem verò cupiditas ad res incuruarit caducas & fluxas, præcipitatur & corruit, frangiturque qui corrigi debuerat. Non debet autem qui cum aduersis conflictatur infringi, si vult post præliū coronari. Ceterū ne quis infringatur, id sit vires illo subministrante certantibus, qui ineffabilia victoribus præmnia præparauit. Qui etsi visibiliter electos suos sæpenumero deserat, variorum afflictionibus malorum inuolui & exagitari, atque etiam interire permittens, tamen eos inuisibiliter non deserit, sed cum iis etiam in carceres descendit, & fideliter ad mortem usque

kk 4

custo-

Isaie 43.

custodit, ut fiat quod per Isaiam se facturum promittit: Cùm transieris per aquas, tecum ero, & fluminis non operient te: cùm ambulaueris in igne, non comburēris, & flamma non ardebit in te. noli timere, quia ego tecum sum. Cum suis futurum se esse Dominus pollicetur, nō ut nihil accidat eis malis gravioris. Quid enim aliud aquæ & inundantia flumina, & ignis flammaque inuoluens, quam grauissimas persecutionum tribulationes significant, quibus & Christum, qui in ea prophetia in primis intelligitur, & membra eius complura ad mortem usque exercitata esse nouimus? Non ergo visibiliter affuturum se demonstrat, ut nihil eos pati sinat, aut protinus liberet; sed inuisibiliter magis subministracione auxiliij eius, quo fortes & inuiti reddantur. Ut enim rectissimè diuus Prosper carmine declarauit,

*Cum constans anima aduersis non frangitur ullis,
Et fidei virtus intemerata manet;
Norit inesse sibi Dominum patientia fortis,
Inq[ue] eius donum quod steterit, referat:
Nam quod non cecidit, propriis si viribus aptat,
Hoc ipso quo se stare putat, cecidit.*

Omnino igitur electis suis præsentissimus adest piissimus Dominus, intus confirmans & corroborans, & secundum multitudinem dolorum quos patiuntur, consolationum suarum varietate lœtificans. Quemadmodum hoc sanè non ingratus agnoscit & confitetur Gentium Apostolus, cùm ait: Sicut abundant Christi passiones in nobis, ita per Christum abundat consolatio nostra. Namque, ut est à diuo Bernardo præclarè dictum, In spirituali exercitio duplex diuinitus præbetur auxilium: Correptio & Consolatio. Altera foris exercet, altera visitat intus. illa reprimit insolentiam, ista in fiduciam erigit. Illa humilitatem operatur, ista pusillanimitatem consolatur. illa cautos, ista deuotos facit.

2. Cor. 1.

*Serm. 21. su-
per Cantica.*

facit, timorem Domini docet illa, ista ipsum timorem
infuso temperat gaudio salutari, sicut scriptum est:
Lætetur cor meum, ut timeat nomen tuum. Quin etiā
ut diuus ait Ambrosius, præponderant consolationes Lib. 1. De ins-
terp. cap. 1.
perturbationibus, quia & præsentium sedationem af-
ferunt & spem futurorum. Vnde & Apostolus Pau-
lus, Indignæ sunt, inquit, passiones huius temporis ad
superuenturam gloriam: Indignæ utique ad consola-
tionis comparationem, non ad fructum redemptio-
nis, huius igitur consideratione consolationis & glo-
riæ sit, ut cum apud infideles impatientia lamentetur
semper, & querula sit, Christiani non consternen-
tur nec frangantur aduersis, sed spiritu magis quam
carne viuentes, firmitate animi corporis infirmitatem
vincant, ceteraque damnorum incommoda fortiter
ferant. Proinde vinea licet fallat, ut est apud Cypria-
num, & olea decipiatur, & herbis siccitate morientibus,
extuans campus arescat, quid hoc ad Christianos?
quid ad Dei seruos? quos Paradisus inuitat, quos gra-
tia omnis & copia regni cœlestis exspectat: Exultant
semper in Domino, & lætatur & gaudent in Deo suo,
& mala atque aduersa mundi fortiter tolerant, dum
bona & prospera futura prospectant.

CAPVT XV I.

*Si tantus sit tribulationum ad libertatem & salutem
vñsus, cur iis liberari sese sancti precentur.*

TA M E T S I autem electis Dei multum plerunque
prosit temporalis afflictio, eo videlicet cooperante,
per quæ diligentibus Deū, omnia cōuertuntur in bo-
nū; tamen illa sanctorū quotidiana precatio est, qua li-
berari se à malo poscunt: hoc est, ab illis generatim
omnibus malis, quæ ille qui singulariter malus est, in-
fert permissa sibi diuinitus potestate. Hoc ergo cur fa-
kls 5 ciant,